



Sosializasaun Mata Dalan PNDS iha Munisipiu Lautem

PNDS

Hamutuk Ita
Dezenvolve nasaun

Abril 2016

Sistema Implementasaun Programa PNDS Persija Halo Sinkronizasaun no Koordenasaun ho Seitor Hotu iha Nivel Munisipiu.

Sistema implementasaun programa PNDS iha Nivel comunidade persija halo sinkronizasaun no koordenasaun diak, hodi involve linha sectoral sira iha Munisipiu, tanba durante nee linha sectoral sira iha nivel Munisipiu la dauk apar diak ho sistema implementasaun programa PNDS. deklarasiun husi Administrador Munisipiu Lautem no Baucau iha Sosializasaun ba mata dalan implementasaun programa PNDS, ne'ebé halao (29/02/ too 020/03/2016) iha Viqueqe, Lautem no Baucau.

Tuir Administrador Munisipiu Lautem, Jeferino dos Santos Siquera katak sistema implementasaun programa nee persija sinkroniza no koordena diak ho direktur sectoral sira iha nivel Munisipiu tanba dala barak projetu balun dupla, alende programa PNDS implementa linha sectoral seluk mos implementa, nune'e persija halo sinkronizasaun atu bele hare didi'ak implementasaun programa PNDS iha Nivel Suku. Entretantu tuir Administrador Baucau, Antonio Augusto Guterres hateten planeamentu suku tengki responde nesesidade basiku comunidade, tanba nee planeamentu ba desenvolvimento suku tengki refleta difikuldades neebe comunidade enfrenta. Nune'e Administrador Munisipiu Baucau Antonio Augusto Guterres konsidera implementasaun programa PNDS iha Munisipiu Baucau suksesu tanba projetu hotu ne'ebé implementa husi comunidade finaliza ho diak.

ST-PNDS Realiza Sorumutu Kona-ba Planu Asaun Annual ba Pontu Focal Jéneru no Inkluziun Sosiál Iha Implementasaun Programa PNDS

Sekretariadu Tékniku Programa Nasionál Dezenvolvimentu Suku (ST-PNDS) hala'o sorumutu durante loron rua (2) ba Pontu Vogál Jéneru husi Munisipiu 12 ho Rejiaun Espesiál Oe-cusse, Objetivu husi work shop ne'e mak atu dezenvolve Planu Asaun Annual Jéneru no Inkluziun Sosiál (JIS) iha implementasaun programa PNDS, (Etda, Dili-Timor Leste, 10-11/03/2016).

Silvia Antonia Da Costa Soares, nudar Ofisiál Treinamentu no inkluziun (Training and Inclusion Officer) husi Fundasaun Ra'es Hadomi Timor Oan (RHTO), ne'ebé sai hanesan orador iha formasun ne'e kontente bele involve direita iha workshop ida ne'e tanba iha implementasaun programa PNDS fó importánsia bo'ot tebes ba envolvimentu maluk feto sira nomos maluk sira ho defisiensia, liu-liu oinsá dezenvolve kapasidade maluk birak ne'e, atu nune'e sira bele envolve ativu iha prosesu dezenvolvimentu nasaun. Dezenvolvimentu nasaun foun ida ne'e la'os responsabilidade ema ida ninia, maibé responsabilidade ita hotu ninia tantu ferik-katuas, foin sa'e, maluk feto sira inklui mós ita maluk sira ho defisiensia, ida ne'e mak prinsipiu.

Progresu

Pilotu: Remata ona

Faze 1: Remata ona

Faze 2: Etapa 12

- Enkontru Akontabilidade Final, Auditoria & Evaluasaun.

Faze 3: Etapa 11/12

- Finaliza Konstrusaun
- Enkontru Akontabilidade Final


Faze 1 Siklu 2 : Etapa 9

- Tama Prosusu Transferensia Fundus Infraestrutur




Prioridade sira Iha Nasional

Faze II



Faze III



- Saude
- Bee Mos no Saneamentu
- Edukasaun, Cultura e Desportu
- Agricultura, Siguranca Alimentar no Buka Moris
- Dalan, Ponte no Kontrolo de Cheias
- Solidariedade Sosial
- Sektor Seluk

Sekretariadu Tékniku Programa Nasionál Dezenvolvimentu Suku ho Universidade Nasionál Timor Leste (UNTIL), Realiza Seminar Kona-ba Progresu Implementasaun, Vantajen no Dezafiu Programa PNDS

Programa Nasionál Dezenvolvimentu Suku (PNDS), nudar programa dezenvolvimentu komunitáriu, ne'ebe implementa ona iha suku territóriu Timor laran tomak, atu asegura implementasaun tuir prinsípiu PNDS, ekipa tékniku sekretariadu PNDS servisu hamutuk ho Sivilas Akadémiku UNTL, Fakultade Siénsia Sosiais, Departamentu Dezenvolvimentu Komunitáriu hala'o seminar kona-ba Implementasaun programa PNDS iha Timor Leste, iha Salaun Auditorium UNTL, Liseu-Dili (08/04/2016).

Sr. Eurico C. dos Reis Araujo. MA, nu'udar dekanu Fakultade siénsia sosiais agradese tebes ba eventu ida ne'e tanba bele aumenta tan koñesimentu estudante ninia liu-liu kona ba política implementasaun programa PNDS. Chefe Unidade Operasional programa PNDS, Sr. Rosito Guterres, hatete katak: "Implementasaun Programa Nasionál Dezenvolvimentu Suku nudar programa komunitáriu tanba comunidade mak halo planu, define prioridades, comunidade mak jere no implementa projetu, no comunidade rasik mak sei hetan ninia benefísiu."

Estudante UNTL hanesan mós parte ida husi comunidade, intresante tebes atu hatene lala'ok no progresu implementasaun programa PNDS iha Suco iha territóriu tomak, ho referénsia ida ne'e sira bele kontribui liu tan ba comunidade nia partisipasaun liu husi implementasaun programa PNDS iha suku no aldeia.



Autoridade UNTL ho estudantes sira intresante tebes rona apresiasaun husi ekipa tékniku, kona-ba implementasaun programa PNDS



Sr. Eurico C. dos Reis Araujo. MA, nu'udar dekanu Fakultade siénsia sosiais, fo apresiasaun ba eventu ida ne'e.

Programa Suku Vijita malu hetan entusiasmu maka'as husi partisipante sira hodi fahe esperensia ba malu.

Programa suku vijita malu nudar aktividade estudus komparativu ne'ebé konsentra iha Suku, aktividade nee realiza nudar meus ne'ebé sekretariado Nasional PNDS halo hodi fasilita Ekipa Jestaun Suku inklui chefe Suku husi Suku ida ho Suku seluk hodi bele vijita malu, Programa Suku vijita malu ba daruak iha munisípiu Aileu hala'o durante loron tolu hahú iha 18/04/2016.

Objetivo prinsipal husi programa Suku vijita malu nee, mak atu Ekipa Jestaun Suku bele fahe hanoin ba malu tuir ida-idak nia esperensia, liu-liu kona-ba lalaok implementasaun PNDS iha sira nia Suku hodi diskuti, oinsá EJS bele fasilita comunidade sira hodi hili prioridades, oinsá kontribuisaun voluntariu comunidade nian, oinsá koordenaun ekipa jestaun suku no autoridade lokal, oinsá kapasidade EJS jere orsamentu no kestaun seluk ne'ebé ligado ho implementasaun programam.

Programa suku vijita malu ne'ebé hala'o iha munisípiu Aileu hanesan aktividade ne'ebé envolve Ekipa Jestaun Suku husi suku hirak ne'ebé partense husi Munisípiu Manatutu no Ermera. Aktividade prinsipál husi programa nee mak aprejentasaun husi EJS Suku Bandodato kona-ba lalaok implementasaun PNDS iha suku refere inklui vijita mos irigasaun iha Suku Lahae ne'ebé konstrui husi comunidade ho orsamentu PNDS.

Husi programa estudus komparativu ka suku vijita malu nee, ekipa jestaun suku sira rekomenda katak ba futuru programa suku vijita malu persija tau atensaun mos ba partisipasaun masimu Ekipa Jestaun Suku, suku vijita malu laos hare deit suku ne'ebé suksesu maibe persija hare mos suku ne'ebé ladun susesu iha implementasaun programa PNDS.

Atu hetan informasaun tan:
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl